


石倉十二代詩選

九十六



明七十一之三

漢書門類			
三	七	四	五
九	七	函	架
一	四	二	冊

内閣文庫			
三	九	函	架
三	七	四	五
五	四	三	冊
五	冊	號	類

内閣文庫	
番號	漢 3745
冊數	142 (98)
函號	319 25

明詩七十之三

九十六



糊などで貼り付けられている部分がめくれない箇所あり

石倉十二代詩選

明詩卷之七十

巢睫集

大明 永豐會 啓著

後學曹學佺閱

北斗篇

淺草文庫

昔我任江南有斗維北懸及茲正幽薊如在北
斗邊地理雖異域象緯寧有遷感此夜無寐起
行望青天仰視北斗光珠璣燦相聯伊誰柄斯
揭從容居帝前元氣妙斟酌調和不容偏四時
皆順序萬物安自然躊躇風露下中情曷由宣

天道本幽默誰能問穹玄

涼風篇

涼風日夕至商候淒以清透迤起原陸散漫薄
簷楹噫氣忽奮激呼吸相關爭捲地瀉奔濤撼
空轟怒霆如馳昆陽騎若潰淮淝兵雲霧爲之
晦山岳若就傾豈伊長養節遂與肅殺并草木
自黃落鴻雁復南征顧茲動植微感觸如有情
起坐待明月援琴寫秋聲

癸巳三月十三日扈從之北京舟發石城

門外賦呈同行諸公

石城天設險虎踞壯皇州策馬出都城駕言從
豫遊萬乘宿嚴駕先期戒行舟龍驤載圖籍虎
士羅戈矛日出簫鼓鳴中流發棹謳兩京何巍
巍山川鬱相繆陝雲邁炎漢洛下媿成周龍飛
符景運龜食叶神謀煌煌萬世業寶曆承天休
顧慚樗散姿厠跡英俊流獻替諒無補愧茲恩
寵優鳴鑿濟汾水聯珮上瀛洲永言葵藿心庶
以揚徽猷

三月二十日舟次開河同胡祭酒鄒侍講
登岍散步長林曠野中桑麻蒼然因至
田家各賦一詩而去

芳晨靄新霽弭楫長河曲眺茲丘園趣褰裳涉
平陸郊原渺空曠佇望舒遠目村中夜來雨土
脉膏且沃茆廬雞犬靜日出煙樹綠牛羊放平
野隔水見樵牧麥涼雉初雊桑突蠶已浴老農
多歡顏生事亦云足偶茲一留憇幽境愜所欲
僕夫戒前征迤邐出林麓緬懷塵外踪於焉恣

遊

冬日扈從遷南京隨駕出麗正門馬上作
朝隨六龍駕遠別黃金臺萬乘出都門旭日淨
浮埃翠華正飛揚玉輦從天回羽林列猛士夾
道馳雲雷回首望玉京城闕何壯哉海水向東
流西山鬱崔嵬上有五色雲垂輝映蓬萊壯遊
愜周覽欲去仍遲回策馬天仗間宿昔長追陪
古來詞翰臣豈但鄒與枚至今百世下聲譽揚
九垓

車駕北征送右諭德金公扈從

煙雲慘淡邊城黑
虜騎憑陵在東北
天兵帶甲八十萬
百里長驅如霹靂
平胡下詔親出征
二月龍輿發北京
東風關塞旌旗影
落日沙場鼙鼓聲
知君文彩金門宴
扈從恩榮總堪羨
龍泉寶帶黑貂裘
虎帳雕弓白羽箭
帳前獻俘報捷歸
帳中草檄筆若飛
狼煙乍起雪載路
羌笛橫吹霜滿衣
妖星夜墜氣蕭索
席捲穹廬空大漠
橫行絕域拓封疆
直過窮荒收部落
歸來意氣

檀才雄凱歌先進明光宮
豈知折衝在帷幄
世上空聞衛霍功

送兄復先還戍遼東

從兄少小辭鄉縣
二十五年纔一見
只今已是四十餘
平生涉歷艱難遍
憶初伯父送兄行
千里拏舟同入京
長安道上不忍別
臨岐恐泣仍吞聲
別來幾時伯父死
舊業盡遺與二姊
大姊有家二姊亡
一門骨肉今能幾
兄早從軍多苦辛
漂泊天涯惟此身
拜迎折腰事官長
顧盼回

歷代詩選
頭無室人去時同行多隊伍逃亡強半丁男補
十歲邊頭始問婚有子讀書今十五營中無事
但耕鋤輸官豈復求贏餘地寬買牛多種粟路
遠念家難寄書弟來北京已二載東去關山近
遼海都門邂逅不相識鄉音盡變顏容改塞上
風沙凋敝衰說着故園雙淚流挑燈細論征戍
苦酌酒暫消離別愁匆匆相見何會久明日官
橋又分手朔雪還連玉塞雲東風未發金臺柳
莫言碌碌軍籍中丈夫詎肯悲途窮不見汾陽

天廐神馬歌

天廐神馬歌

天廐名馬不易得鳳臆龍鬣秋兔色圉官廝養
十載餘云昔來自朝鮮國想當此馬初生時蛟
龍降精雷雨垂房星夜墜水盡赤雲霧下繞靈
風吹雄姿逸態真神駿腕健蹄高雙耳峻目光
夾鏡炯方瞳汗血流珠膩紅暈朝鮮得此不敢
騎覆以黃氊獻赤墀廼知天廐盡龍種如此萬
疋皆權奇今晨鞞出迥殊絕扈從鑿輿自超越

歷代詩選 明會子 卷七十一 五
朝趨遠蹴交河水夕秣驕嘶薊城月君不見驂
騮驪驪古亦多老不一試將奈何駑駘無力枉
蹠躒俗馬有肉空嗟峨平生憐爾獨遭遇繡勒
金鞍照瓊署相期慎保不凡姿萬里長隨六龍
馭

寒夜曲

銅山泣露宮虬咽魚鑰金寒烟微月十二樓臺
凝夜光青娥踏天作飛雪鮫人鑿冰出海底海
澗冰堅愁墜指風刀剪斷朔雲飛萬戶沈沈一

泓水貂裘無煖紅燭滅八尺青綾已如鐵蘭麝
香銷冷畫屏夢破秦樓肌玉裂龍鱗差差溝水
繞銀牀無聲金井悄睥睨鴉啼曙色分起聽瓊
籤報天曉

銅爵瓦硯歌

臨江郡守得銅瓦硯以遺中
舍吳君仲平吳君邀予賦之

征西將軍蓋世雄睥睨漢鼎驕成功建安天子
在掌握車駕又徙轅轅東策勳定爵分茆土赤
烏煌煌輝袞黼鑄成銅爵起高臺繡戶珠房貯
歌舞繁絃急管鳴未終葛汁啖盡金樽空分香

歷代詩選 卷二十一 唐
賣履恩愛畢西陵落日生悲風三方鼎峙霸圖
熄玉輦金輿已陳迹冷雨寒煙滿鄴中惟見銅
駝卧荆棘誰憐地老天亦荒宮瓦散落猶深藏
千年劫火煉不化至今出土生輝光草根纏繞
苔蘚蝕鄴中野人初未識臨江太守欣得之此
物不應同瓦礫殷勤拂拭重磨礪制作豈讓端
州工鳳池先生真好古寶此乃與瓊瑰同先生
自昔稱才俊忽見珍奇豁方寸龍香麝臍益光
妍玉質金輝發清潤翻思淪埋塵土鄉此日還

登君子堂奇姿曾識奸雄面清翫宜親翰墨場
君不見漢家諸陵在荒野玉魚金盃無遺者早
悟愚民盜一坏不如燒作鴛鴦瓦

陳員外奉使西域周寺副席中道別長句
漢家郎官頭未白扈從初爲兩京客忽逢天邊
五色書萬里翩翩向西域腰間寶劍七星文連
旌大旆何續紛解鞍夜卧營中月攬轡朝看隴
上雲黃沙斷磧千迴轉玉關漸近長安遠輪臺
霜重角聲寒蒲海風高弓力軟茲行騎從歷諸

蕃瓊帳依微絕漠間。殘煙古樹羌夷聚。遠火荒
原獵騎還。蕃酋出迎通漢語。穹廬蒲萄酒如乳。
舞女爭呈于闐粧。歌辭盡協龜茲譜。當筵半醉
看吳鉤。上馬便着金貂裘。山川遙認月支窟。部
落能知博望侯。草上風沙亂騷屑。邊頭日暮悲
笳咽。行窮天盡始回轅。坐對雪深還仗節。歸來
雜遝窈馬羣。立談可以收奇勲。却笑古來征戰
苦。邊人空說李將軍。

薊門老婦行

薊門老婦歌且行。一曲斷腸多苦聲。時時掩面
向人泣。泣罷從前道姓名。自言少小顏如玉。金
縷羅襦鬪粧束。先朝丞相重清歌。教得新翻太
平曲。雕房繡閣高嵯峨。五侯七貴時經過。就中
艷色自無數。俛首低鬟聽我歌。行雲斷絕梁塵
起。滿座停杯驚且喜。當筵一擲千黃金。翻惡管
絃徒聒耳。只言歡樂度青春。不識人間賤與貧。
向來風景一朝異。翠鈿散落隨埃塵。况今衰老
轉蕭索。惟有茆廬傍西郭。閒來還唱舊時歌。不

覺一聲雙淚落。人生豈得長少年。一貧一賤皆自然。銅山鑄錢終餓死。古往今來何足憐。

題趙松雪三十九馬圖

吾聞天馬生水中。房星夜墜波光紅。虎文鳳臆真異狀。一日千里能追風。平原草綠春波湧。雄姿逸態人皆竦。騰騫磊落如有神。三十九疋皆龍種。風鬣霧鬣擺長雲。五花粼粼簇錦紋。就中一疋獨奇絕。驕嘶似欲超其羣。前年從征破強虜。踏碎陰山力如虎。尾絲牽地逐流星。汗血凝

珠散紅雨。今年北去掃殘胡。駿骨驍騰絕世無。追奔已窮沙漠盡。渴飲能令瀚海枯。麒麟驪驪古所惜。况此驅馳樹勲績。君不見穆王八駿空爾奇。弄影瑤池竟何益。

姚少師所藏八駿圖歌

周家八駿如飛電。夙昔傳聞今所見。銳耳雙分秋竹批。拳毛一片桃花旋。肉鬣疊聳高崔嵬。權奇如此真龍媒。霜蹄試踏層冰裂。駿尾欲掉長飈迴。瑤池宴罷歸來早。絡月羈金照京鎬。紫鞵

歷代詩選 卷七十一
飛時逐落花。雕鞍解處眠芳草。由來駿骨健且
馴。弄影驕嘶不動塵。有時渴飲天津水。五花照
見波粼粼。圉官騎來難久駐。飲向春流最深處。
珠銜寶勒不敢疎。直恐飛騰化龍去。古來善畫
韋與韓。此畫豈同凡馬看。人間造次不可得。昔
蒼秋深煙雨寒。

酒壚行

東家酒壚大道中。百尺酒旗垂裊風。少年兩姬
何窈窕。當壚一笑顏花紅。道傍過者頻回首。駐

馬停車便呼酒。壚頭酒薄澗不知。笑勸相歡坐
來久。西家酒壚相向開。盈盤綺饌連金罍。門前
寂莫少行跡。階面夜雨生青苔。由來酒徒多重
色。愛此紅顏在壚側。暫時過眼寧盡歡。囊中有
錢應不惜。誰將此意報西隣。坐中無客且莫嗔。
東隣兩姬一朝去。門前亦無呼酒人。

邯鄲曲

邯鄲女兒貌如花。手縮雙鬟盤作鴉。窄襟小袖
巧粧束。畫得秀娥雙黛綠。娉娉嫋嫋十五餘。自

矜驕態誰得如春眠不穩翠衾薄起向東風借
花落誰家寶帶繡鴛鴦何處金屏開孔雀邯鄲
城中多貴游投金寘壁紛相求父憐母惜嫁時
早比目連枝願終好芙蓉帳深紅錦幔烹犢炮
羊列華饌生來不識機杼聲身上羅襦幾回換
翻憐隣女嫁田家朝出採桑暮織麻年年辛苦
事織作嫁時衣裳老還着

題楊諭德所藏王孟端瀟湘萬竹圖

王郎畫竹何神奇落筆便覺清風吹蛟龍怒奔

雷雨泣滄漠倒捲雲淋漓有時氣酣索紙筆鬼
起鵲落誰能測縱橫滿眼金錯刀四座陰森水
雪色九疑峰高青入天洞庭水與三江連霓旗
翠羽半明滅至今遙拂蒼梧煙玉堂之居迥蕭
爽誰與此君同一賞關西美人襟抱清對此脩
然絕塵想我亦平生愛竹流乘興欲作瀟湘遊
何時汎舟弄明月推篷却聽江南秋
樓山風木圖爲山西僉憲余文題
樓山有木風亂鳴南枝北枝多悲聲蕭颺乍疑

崖籟發洶湧忽訝波濤驚知君先墳在山麓恐
聽墳頭風撼木秋聲動地心欲摧夕響穿林淚
盈掬翻思昔日奉慈親甘旨未備家長貧只今
得祿親已逝雖欲養志無由伸繡衣驄馬外臺
客光華滿路何輝赫寫得樓山風木圖一度摩
挲一凄惻看圖有盡意不窮樓山有木木有風
斯木可伐風可息惟有孝念無時終
車遙遙
車遙遙向何去耳邊猶聞聲麟麟望盡飛塵不

知處妾獨在空閨顰蛾對青春惟有一寸心萬
里隨車輪願君到家後車輪生四角不願歸時
金滿堂君早歸家貧亦樂

過劉伶宅

舊宅無人住荒墟有路岐一生渾是醉萬古復
何悲白髮銜杯處青山荷插時最憐獨醒者高
塚亦纍纍

望岳

昔誦少陵詩今觀岱岳奇青連齊魯迥勢壓華

高危雲霧通三島乾坤繞四躡何時上高頂細
讀漢唐碑

庚寅元夕午門待宴觀燈

紫禁疏魚鑰彤庭結綺樓星河臨太液歌吹繞
皇州皓月明仙仗華燈映綵旒清時多樂事
得奉宸遊

二十一日發汶上馬驚失墜損傷有

旨留濟寧療病水路回京寓宿城東鐵塔寺

消悶賦此錄謝王蔣二太守明會上人

病辭天仗行尋寶殿開六龍扶輦去五馬駕
車來落井多因酒沿流欲度杯承恩方療疾候
吏爲相催

其二

寂歷孤城外高樓戍鼓鳴葉聲霜後落鵲影鏡
中行一榻禪房靜孤燈客思清疎鐘一百八猶
似上陽聲

淮南舟中

遠戍雞聲曉遙堤柳色濃斷雲京口樹殘月廣

歷代詩選 明會子卷
三
陵鐘簫鼓官船祭圖書御寶封朝臣多扈從冠
佩日相逢

舟中雜興和王脩撰時彥韻

野迥霏微靄川長澹落暉犢馴浮水過鷗狎近
人飛暝色迎官舫春寒到客衣時看林下叟荷
篠月中歸

贈周崇晉省兄還家

新歲歸心切南船促去程誰憐風雨夜偏感弟
兄清淑景催鶯語離愁逐雁聲到家池草綠春

多幾回驚

維揚懷古和胡祭酒韻

廣陵城裏昔繁華煬帝行宮接紫霞玉樹歌殘
猶有調錦帆歸去已無家樓臺處處惟荒草風
雨年年自落花古往今來多少恨只將哀怨付
啼鴉

中秋宴集

乘月歸來散玉珂又驚佳節客中過清光初上
金鸞殿素影先澄太液波萬里關河秋氣迥九

歷代詩選

明會子卷

卷七十

古

尔

秋風露夜涼多廣寒有路知天近曾聽霓裳第一歌

同襄城伯李公被命先還南京舟中奉簡
曾于玉帳識先公此日乘舟李郭同兩葉金貂
承雨露三秋畫鷁駕天風謝玄瞻氣堪摧敵班
勇軍聲屢破戎自是將門多俊傑坐談韜略滿
胸中

喜蕭時中狀元及第

繡袞曾掄寶殿魁廬陵文運喜初回九重天上

恩渥八十人中識俊才蠹簡幾年窺夜雪籠
門一日動春雷行人若向青原望定有虹光燭

上台

送道士歸桃源

霞佩何年別翠岑迢迢歸路武陵深種來白石
皆成玉煉就丹砂已化金陰洞靈符應尚在仙
房瑞簡得重尋桃花紅徧無人到風滿衣裳露
滿簪

遊崇真萬壽宮因訪葛太常

卷七十一

詩選

明會子終

七

乃

歷代詩選 卷之二十一
崇真宮闕禁城東舊任真人向此中鳳去縵山
虛夜月鶴歸華表怨秋風飛花入戶丹房靜古
木垂蘿碧殿空此處忽逢勾漏令將因暇日間
叅同

六月十日讀平胡詔

鑿輿初駐幹難河虜騎驚奔競倒戈胡運却從
今日盡封疆遠過古時多千年虎穴銷氛禊六
月龍沙奏凱歌不獨朝廷功業盛三邊從此沫
恩波

螢

輝輝無焰復無煙腐草逢秋火獨然金井露寒
光不滅畫簾風靜影頻穿隋皇苑裏明珠翠車
佩囊中映簡編何事却驚羅扇撲夜涼飛過玉
階前

殿試罷

曉開三殿降絲綸袞冕臨軒策小臣紅燭影催
金闕曙紫霞香泛玉壺春雲霄九萬扶搖近禮
樂三千制作新淺薄未能宣聖德祇歌棫樸播

皇仁

鶴骨笛

華表雲歸蛻獨留裁成玉管韻悠悠數聲弄罷
青田曉一曲吹殘赤壁秋律呂乍調驚羽化宮
商遙度想仙遊揚州去後知音少且共桓伊更
倚樓

謁文丞相廟

國事艱危屬秉鈞平生慷慨竟捐身百年社稷
歸元土萬古祠堂表宋臣已見高名垂宇宙遠

遺像蕭冠紳當時碧血生芳草留得清芬歲
歲春

蓮花燈次胡庶子韻

絳蠟爭燒夜景新芙蓉何事獨先春恍疑金炬
初歸院不借清漣已絕塵光映若耶溪上女影
隨太華井頭人若教真可浮波去太乙乘舟便
脫巾

車駕渡江

朱旗畫戟擁隄沙錦纜牙檣照浪花佳氣迥浮

江北樹曉光初絢海東霞雲中鸞鳳扶丹輦水
底魚龍識翠華不用臨流羨天塹祇今四海盡
爲家

扈從幸天壽山

祥雲五彩護長陵地志深符郭璞經千澗盡通
滄海白諸峰遙入薊門青星臨仙仗知天近雲
擁鸞輿識地靈此處經營時駐輦幾回清蹕到
岩扃

得周編脩書兼柬兩京諸同年

別離易久覺情疎旅舍幽閒歎索居遠客每勞
千里夢故人初寄一行書滿城山色晴雲外近
海潮聲過雨餘禁裏昔年同學者班揚文字竟
何如

同李允周司諫遊天界寺和鄒侍講韻

獨愛山居在上方深幽渾似遠公房客留丈室
同禪塵僧飯胡麻獨據牀貝葉經翻頻說偈蓮
花漏滴靜焚香何時更約携琴去閒對青松坐
晚涼

冬日扈從獵龍山同遊牛首山佛窟寺和

胡學士韻

數聲清磬遠微微始覺塵踪到此稀僧向定時
聞葉落客從遊處見雲歸佛居華藏那營窟心
會真乘卽悟機賜得宮袍新製錦未應還美五
銖衣

奉和胡祭酒雪竹之作

雪深庭竹曙光寒覆葉凝梢凍不乾清響入林
搖玉珮素花飄徑點琅玕未須鶴氅扶筇去已

勝龍沙仗節看莫向樽前裁玉笛梅花吹落滿
長安

燭

會于鴻寶識神方長送清輝入洞房心到成灰
辭綺席花如吐艷妬紅粧畫屏掩月兼秋冷紫
陌朝天襍曙光幾度似應憐遠別向人深夜淚
成行

胡祭酒宅飲蒲萄酒席上作

蒲萄新釀出涼州對此還思博望侯馬乳香分

銀甕暖驪珠光瀉玉壺秋綺筵夜醉頻燒燭錦
帳春生罷擁裘翻笑老農耕作苦年年種秫滿
西疇

贈邊將

龍驤新拜漢將軍破敵威名塞外聞夜襲虜營
衝雨雪曉占兵氣候風雲珠旗暖映千山色玉
帳晴連萬馬羣自古幾人通將畧祇今衛霍有
功勳

瓊島春雲

自是蓬萊第一峰彩雲千疊映芙蓉隔窗暝鎖
花枝濕繞殿晴添柳色濃影度仙巖常帶雨光
浮御苑盡成龍網緼不獨隨天仗更共祥煙護
九重

西山雪霽

岩嶺遠岫倚蒼冥積素纔消擁畫屏雲影高連
千嶂白日華光映數峰青林藏玉氣樵人識水
雜流泉野客聽正欲登臨窮絕巘餘寒猶恐在
巖扃

南浦飛雲

悠悠片影楚江涯
漠漠輕陰傍釣家
乍逐渚煙籠草色
還隨灘月隱蘆花
風吹暝靄收殘雨
日絢晴暉帶落霞
幾度雁歸迷宿處
數聲嘹唳隔寒沙

徐亭煙樹

東湖老樹拂晴雲
樹裏空亭識聘君
鶯轉綠陰初過雨
鴉啼涼影半斜曛
誰懸木榻延高士
空致生芻弔古墳
千載高風遺像在
令人俛仰挹清芬

灌嬰城

章江南面有荒城
千載猶傳漢將名
狐宿斷垣春草合
鴉啼古堞暮煙生
風雲暗想精靈聚
茄土長垂竹帛榮
獨有離離霜後樹
還如赤幟繞行營

繩金塔

地藏舍利隱金繩
百尺浮屠試一憑
雲裏高標驚過客
月中孤影伴殘僧
風傳鈴鐸和朝梵
星



繞闌干雜夜燈向夕始知臨眺久蒼蒼煙樹入
鍾陵

浴仙池

不向瑤池醉錦筵却從下界戲清漣水壺影浸
芙蓉露玉鏡香涵翡翠煙白鶴已隨仙骨化青
娥長得世人憐春來水面浮萍發猶似靈風墜
翠鈿

五月六日賜觀西湖

玉珂龍影出長楸詔許西湖攬轡遊雲氣連山

常帶雨風聲度壑迥疑秋樹含飛翠沾衣濕泉
作垂虹遶澗流中使淹留歸向晚水紋輕漾采
蓮舟

送胡直方下第南歸

百戰詞場白髮生詞華五色世空驚貧來馮諼
空彈鋏歸去劉蕡久擅名柳外煙深籠馬色花
邊日暖度鶯聲青雲浩蕩非難遇天遣奇才獨
晚成

正旦後送兵部尚書趙公還鎮

歷代詩選 卷之十
總戎司馬舊春官坐鎮邊陲衆自安雙闕朝元
瞻斧辰六州行部駐雕鞍履聲暫待金門漏旆
影還衝玉塞寒明到關城多暇日好將佳句寄
朝端

送兵部尚書陳公叔遠鎮交趾

南交獻凱正論功司馬新除寵眷隆三受虎符
參闕外兩持龍節鎮蠻中蕭何經國會供餉裴
度臨邊暫總戎已喜夷人歸版籍伏波銅柱謾
爭雄

東華門內新館初成入直有作

東華樓觀鬱岩嶷高閣新成抗碧霄秘府圖書
金作匱御溝流水玉爲橋草分翠色承殷輅烏
駉歌聲和舜韶餽直幾回清坐久隔簾時有御
香飄

禁中對雪

禁城飛雪向嚴冬積素凝華絢九重內苑蘂葱
璫作樹西山嶺碎玉爲峰光連紫陌迷朝騎色
晃彤樓促曉鐘欲向豐年歌此曲郢中詞客可

能容

送陳司封使哈烈

旌旆翩翩拂曉霞
遠傳天語度流沙
據鞍馬援心猶壯
投筆班超髮未華
路出玉關朝仗節
水通銀漢夜乘槎
西行正值蒲萄熟
醉卧涼州第幾家

送羅貴赴南陽推官

早辭丹陛出承明
捧檄爭傳佐郡榮
高柳青煙隋苑路
荒村白水漢鄉名
心持三尺無冤獄
德

被羣黎有頌聲
郭外行春頻借問
卧龍遺業與誰耕

項羽廟

百戰休論蓋世功
鴻門終宴伯圖空
虞歌慷慨孤燈下
楚業銷沈一炬中
露濕古墻秋蘚碧
霜合老樹夕陽紅
英魂若到彭城路
忍聽高臺唱大風

秋日扈從獵龍山遊牛山佛窟寺

和胡學士韻

古鼎沈煙一縷微
紺園寶地世塵稀
風簷鳥避

歷代詩選 卷七十一
三
鈴聲過石洞龍隨雨氣歸閒對佛燈知可影偶
聞僧語識禪機祇因坐久天香度無數雲花亂
點衣

海子橋

綠海遙通一水長滄波深處石爲梁平鋪碧甃
連馳道倒瀉銀河入苑墻晴綠乍添垂柳色春
流時泛落花香微茫迥隔蓬萊島不放飛塵入
建章

春思

鶯啼燕語畫樓東麗日輕雲護綺櫳香篆煖飄
燈縷碧花房晴滴露珠紅纏綿客思王孫草搖
蕩春光少女風暗想多情催落葉時時飛入翠
簾中

巳亥除夜作

年年客裏逢除夕此夕金臺歲又除爆竹屢喧
清坐久梅花初獻半酣餘春回薊北看新曆家
在江南憶遠書奏賦未能叨扈蹕獨憐多病似
相如

居庸疊翠

重關深鎖白雲收天際諸峰黛色流北枕龍沙
通絕漠南臨鳳闕壯神州煙生睥睨千巖曉露
濕芙蓉萬壑秋王氣自應成五色龍雲長傍日
邊浮

章江曉渡

月落西山欲曙天渡頭人語古城邊鐘聲杳
臨江戍帆影參差隔浦船幾處靡蕪深夕露
家楊柳鞦韆煙年年過客頻來往誰向東流

送川

投書渚

爭傳皂蓋赴洪州錦字泥緘託去舟懶與世人
通契濶任隨流水自沈浮萬金吞吞淪波底一
掉翩翩出石頭却笑空函猶自達當時誰作置
書郵

澹臺墓

聞道南遊竟不回城門題字有澹臺楚鄉耆舊
留遺跡魯國衣冠識俊才廟貌千年存俎豆旅

歷代詩選 明會子啓
墳三尺翳蒿萊，斬蛟毀壁真奇事。青簡流傳莫
謾猜。

葛仙壇

片石空餘斷薛青，荷年飛佩入蒼冥。岩前花發
春長在，澗底泉流洞不扃。寶鼎紅光藏秘藥，玉
林龍氣護仙經。懸知此地脩真者，時掃寒雲夜
禮星。

美安州知州劉孟雍借掌龍谿

拜命會聞領一州，邑民今喜寇恂留。楓宸候曉

雙鳧去，花縣行春五馬遊。山郭煙嵐長滿市，海
天風雨迥疑秋。懸知勸課耕桑日，處處兒童識
故侯。

揚州東關和王脩撰時彥韻

翠裘紅袖坐調笙，一曲嬌歌萬里情。二十四橋
春水綠，蘭橈隨處傍花行。

憶別

一家去住兩關情，行李蕭然又出京。記得別時
寒食後，斷煙殘雨石頭城。

酒家

酒幔臨津口
墟頭勸客頻
雲鬟當暮整
別有泊舟人

湖上

儂家湖水上
水綠照蛾眉
自惜容華好
年年怨別離

石倉十二代詩選

明詩卷之七十

李忠文公傳

公名懋字時勉以字行安福人永樂二年進士
選入庶吉士預修太祖實錄書成晉翰林院
侍讀三殿災求直言條上十五事被讒構下獄
兩年餘始出獄復原官獻陵初卽位公有疏
留中不知所指云何上怒縛至便殿命力士
捶十八瓜折其肋幾死明日改監察御史又明
日下詔獄宣德元年上恨公言憲觸仁考
怒令縛時勉來朕面鞠必殺時勉已又令王指

揮縛時勉斬西市王指揮出端西旁門公已爲
 先使者縛入端東旁門相左王指揮至獄知公
 入亟走還縛公送西市公已得見上上顧憐
 時勉忠臣也能直言立脫公桎梏復其官預修
 兩朝實錄陞侍讀學士正統三年進學士尋陞
 國子監祭酒公下令崇廉耻抑奔競列賢否示
 勸懲一新條教變士習與諸生恩義浹洽若父
 子然王振惡公守正傾搆公荷校國學門諸生
 石大用上章願以身代號哭奔走闕下請赦公

者數十人以故得解尋乞致仕去卒年七十七

謚忠文

乘化室爲安事文賦

西風極月際寒雀入海底丹砂煉無方安得長

李忠文公傳

兩朝實錄陞侍讀學士正統三年進學士尋四
 國子監祭酒公正合崇禎帝臨御奔競刻賢不
 助德一斷條教變士習以諸生恩義決洽右文
 歸忠文 依忠公守正傾補公荷校國學明諸生
 昔幾十人以姑拊鞠養子姪去卒年七十

石倉十二代詩選

明詩卷之七十一

古廉集

大明

安福李時勉著
 後學曹學佺閱

乘化室為晏僉事彥文賦

蟄蟲坯戶隙寒雀入海底丹砂煉無方安得長
 不死蔭藤陌上花飄忽隨流水浮雲知所歸飛
 蓬逐風起吾生亦何為乘化如脫蓰愧彼孟嘗
 君空悲灌門子

耕樂

守拙不用世獨分山中居原田繞林麓自能把
鋤犁春耕秋始獲食力寧厭劬種桑南陌上放
犢東方隅蠶絲如有望橐粟亦有儲上以輸官
稅下以給妻孥俯仰皆無匱取適不願餘雞豚
滿眼前酒熟焉用沽興至時一酌隣舍更相呼
酌來忘日夕擊壤歌唐虞

送王御史貴莊

高堂何崔嵬翠柏相蔽虧柯葉鬱亭亭凌寒發
華姿于時送君去臺樹生光輝清風吹別袂旭

明繡衣晴雲逐高蓋遠見羣鳥飛玉驄帶秋
色白簡肅霜威蹇諤古言路不負夙所期文才
更誰似冰蘖諒自持行矣保終譽以慰長相思
元夕後一日士暘開宴王侍讀宅得績字
時親朋畢會密雪驟至意洽情真不覺
至醉浩然成詠

至茲暖律回况爾值元夕良辰得休暇勝賞隨
所適故人有高致開宴藉幽僻榮迴西城隅弘
敞王猷宅雖微山谷遊而絕塵俗跡列坐盡英

賢諧笑有狂客密雪忽飄灑中庭皓盈積醉來
不知寒清光滿瑤席

金華陳氏宗遠嘉會堂

勝地敞華構前峙金華岑經始諒由昔踵武還
自今楚楚堂中人逍遙遂閒心良辰啓芳燕歡
會情何深酌以金缶奏以綠綺琴載歌伐木
詩雍雍有遺音芝蘭斲餘馥桃李敷繁陰永言
繼前烈因之播清吟

志喜詩爲南康守林士敏賦

海際開運聖明日清穆台鼎列碩彥外治資
明牧自非龔黃儔空懷蒼生毒伊人抱奇才一
麾守南服撫字忘勤勞德禮反淳樸雨露曉已
濡怨咨去何速持誠銷金石脩文弭災酷果然
愜所祈亦以諧素欲翔鸞集官署蝗蝻銷秀嘉穀
豈伊感化工信乃徵明淑清芬播以遙循良邈
方續愧茲樗散材敢諷絃歌曲

江南曲送王太守

江水清見底江風吹浦蓮吳兒蕩輕槳采菱長

江邊廻舟指阜蓋望望遙相連龜齡歷千歲鶴
髮垂兩肩今人重五馬古人重一錢悠悠江南
路沿洄波上船白日苦易短莫言行路遠

送呂僉事升堂

朔風吹喬林落葉聲蕭條冥鴻飛不度驄馬行
獨騎綠衣帶恩光赤日麗層霄鳴佩別雙闕驅
車上河橋嚴冬氣已厲送君寒逾饒戀別薊城
酒聊以永今朝

扶風竇滔妻蘇氏陳留令武功蘇道賢

三女也年十六嬪于竇氏滔時爲苻秦秦
州刺史有能名爲堅所器重後以事忤堅
謫戍河西之燉煌及堅取晉襄陽擇所守
者莫踰于滔復起滔拜安南將軍鎮襄陽
始滔有寵姬趙陽臺善歌舞滔甚愛之私
于他所蘇氏偵知之求而加捶楚焉滔頗
恨之而陽臺又媒孽蘇氏短而讒之滔由
是情好日疎暨滔赴襄陽邀蘇氏與俱恨
忿不從滔遂携陽臺以往絕蘇氏不復與

通音問者久之。蘇氏箠箠無所適，且悔恨不得以伸其思，遂織錦為迴文，累數百言，遣家僮編出鬻之。期至酒所欲以感動其意，酒覽之不釋手者數日，乃得探其憂鬱之情而悲傷焉。遂逐陽臺之關中，具車從迎蘇氏至漢陽，恩愛益篤。于初好事者或繪為圖以傳于今。吾友黃君卓以示余，余感夫世之人或讒邪以害正，被謗以自屈者，曾不如蘇氏之善相潛之能悟而由其

正也。特為賦詩七首以達其意。云：蘇氏名蕙，字若蘭，連波右將軍于真之孫朗之子也。詩凡七首相續以成文云：

深閨有思婦，慘淒亦何為。容華不自惜，獨理流黃機。言將成匹帛，多裁遊子衣。衣新忽變故，恩愛從此衰。以茲殷勤意，翻作長恨辭。蘭茝被幽畹，桃李媚春陽。新昏結綢繆，鞶袷散芬芳。弃置父母歡，婉婉君子傍。白日麗鮮服，朗月澄輝光。矢心以相固，願為鴛與鴦。

婉悅配高室迢遞憑雲岑中有嬌艷女當窗弄
清音音容蕩以肆居然變同心魚目奪明月讒
口鑠黃金不顧冥中鑑惻愴屢屢吟
駕車擁旌旆輝映漢江曲富貴一朝異窈窕辭
別速言笑落日遲浩歌湘水綠山川不可踰安
得遙相逐佳麗誠足珍涼薄難見錄
滔滔江漢流到海不復返千里得所歸中復厭
婉婉在昔枉綏授駕言不辭遠誰知三周御却
道羊腸坂芬芳空自持白日忽以晚

昧旦不能寐攬衣起徬徨織縑與織素誰復知
短長只尺組幽思迴還遂成章緘之戒僮御欲
以寄遠方宛轉述苦志敢期昔所亢
別久意恒親覽辭念愈結巾車適千里倏忽已
超越鳴琴諧古調恩愛感離濶夙心諒所負慙
歎對明月睠言固終始皓首以相悅

輓倪郎中維哲

故人忽遺榮往跡不可求暑雨灑高柳颯然涼
如秋飛鳥爲我悲停雲爲我愁行道亦悽惻情

歷代詩選 明李商隱 六
誼况綢繆感愴念疇昔淚下焉能收

畫馬篇

望昔曾騎天廐馬白日從龍自天下騰空繭影
度陰山回響方看汗流赭幾回逐虜沙磧中振
鬣長鳴駐朔風倏來忽往若驚電衝羣一出萬
馬空歸來共喜脫羈勒放牧荒郊誰復惜還想
當年出塞時朝薄扶桑暮西極誰言潦倒筋骨
衰餘力猶堪一戰施豈比馭駘空飽粟伏櫪長
閑無所爲

邯鄲煙樹送朱珏參議歸河南

邯鄲古城人到稀碧樹蒼煙入翠微煙深草綠
無行處樹底遊人歸去遲東風吹雲忽飛雨千
樹萬樹花爭吐紫霄雲斷洛山青一望高高在
何許前年騎馬過城西記違舊路今不迷春深
柳市看人醉日出桑林聞鳥啼邯鄲人家多賣
酒且上高樓呼一斗豪來不讓謫仙人半酣落
筆詩千首遙指邯鄲送客行滏陽西望洛陽城
紫薇花底一迴首雲樹相思無限情

岩岩亭送陳叅政歸山東

岱宗磅礴不可擬翠色橫秋幾千里峭石巉岩
倚天外孤亭屹立當山趾亭前芳草沒路岐古
砌荒涼苔蘚滋幽花拂檻無人採獨鳥時鳴聽
者稀晨露浴日千峰紫一杯遙見滄溟水昇元
觀裏曉鐘聞岱嶽祠前白雲起聖賢大道誰不
由乾坤闔闢同周流泰山氣象偶爲喻誰遣名
亭獨此留君去薇垣有閒日隨處登臨訪遺跡
想得凭欄一望餘懷古清吟興何極

仲昭竹爲韓侍御題

渭川一千畝此地兩三竿盛夏那知暑隆冬亦
傲寒清陰連野外翠色上雲端不是全高節如
何耐久看

東郭草亭宴集

名園初過雨春氣曉來和一徑濃花發滿庭芳
草多尊罍留上客絲竹間清歌還說歡娛少相
期更一過

李處士輓詩

歷代詩選

明李古甫

卷七十一

熊可

不見柴桑客黃花空自香江通張翰宅人識鄭
公鄉三徑餘芳草孤墳慘白楊秋風谷平里寒
月夜淒涼

送積中上人歸天竺

承恩辭北闕飛錫返東林柳帶天邊雨松迴巖
際陰談空青嶂曉戒臘白雲深坐對湖中月能
忘去任心

天水一清樓

湖邊樓閣鬱崢嶸水色微茫泛太清灝氣淨隨
春浪遠雕欄低拂暮雲平曉看赤日波心上夜
覺銀河地底行登覽誰知王勃美雄才高論使
人驚

東郭草亭

曉出東城問路蹊綠陰深處紫騮嘶日烘花氣
和蘭勻風送鶯聲過柳堤清曉况逢春色好高
筵漸及夕陽西醉來走筆乘餘興滿眼風光取
次題

和胡學士中秋韻

萬里山河拱帝城，秋清月色倍分明。
金莖沈澹雲中出，銀瓮蒲萄雪裏傾。
幾處歌鐘催曙色，千門刻漏送寒聲。
玉堂傳得陽春曲，更向通衢頌治平。

送嗣慶楊先生告老歸鄉

薰風滿路逐鶯聲，綠樹紅亭送客行。
花底退朝雙闕迥，山中歸老一身輕。
舊聞潘岳閒多賦，此去龐公厭入城。
疎雨滄江分袂處，夕陽回首不勝情。

送蕭知州還無爲

報政秋來菊未殘，朔風霜冷忽南還。
乍辭冀闕天邊路，猶望巢湖水上山。
郡邑四時無犬吠，桑麻千里有人閒。
探來欲識龔黃事，須訪循良史傳間。

送章克安歸紹興因寄聲其兄郎中

明時詔許暫歸休，東入鄉園遂舊遊。
岐路獨看征旆去，一樽聊爲故人留。
金臺曉月青霄夢，剡曲薰風綠水舟。
到日難兄如問訊，海天相望思

悠悠

送周庶子姪還吉水

令姪遙從故里來
秋風又見別金臺
謝安本有遊山興
管子能無治世才
潞渚蒲帆行處挂
文江書室到時開
高堂若問元方信
來歲承恩定可回

送楊郎中寧南征

劔佩朝辭虎豹關
獨倚驄馬佐平蠻
宣威直過牂牁外
卻敵多從俎豆間
潞渚南行三月雨
滇

去萬重山
明年此際薰風盛
遲爾鳴珂奏凱還

陳廷珪挽詩 編脩陳璘之弟也 編脩以

註誤繫獄獲瘡垂殆其弟訴于主者得

入視疾疾愈而出遂感疾卒

庾袞情深世所稀
更能相顧到圍屏
三年不盡連枝會
萬里空將旅襯歸
草綠寒塘悲暮雨
花殘荆樹怨春暉
不堪灑淚長爲客
愁向西風見雁飛

墨竹爲方教諭玳題

息齋畫竹天下奇短梢亦有凌雲姿晴連淇澳
煙霞景暝入瀟湘風雨時久離林下懷三徑獨
向天邊見一枝王猷清典誰能比歲寒勁節君
當知

送沈教授

送君歸去值秋陰三疊陽關酒更斟幾處門墻
盛桃李百年交態重蘭金刺將魏闕恩波意遠
慰萱堂離別心想到家林娛綵後重來莫遣過

春深

送伯陽韓御史省墓歸山陰

南臺聲望如君少近沐明恩展祭歸潞潞霜寒
冰欲合薊門風急雪將飛詩話去蹤辭丹闕金
豸輝煌照錦衣三十年來重交好臨岐不忍遽
相違

送王教授

邊秩承恩歲已闌曉辭雙闕出燕關驛程驅馬
寒侵骨芹泮傳經喜在顏水滿滄江楊子渡雲

連綠樹富春山荒臺欲訪垂綸處七里灘頭碧
草閒

挽莆田方處士

栖遲林壑樂幽閒三徑蕭疎翠竹間石磴穿雲
朝采藥松窗過雨午看山還疑落日携琴去不
見滄江罷釣還何處更尋陶處士空留五柳閉
柴關

羅都御史過訪

十年持節鎮邊陲駟馬高車獬豸衣名著紫

旆日彩令行青塞肅霜威曉追羯虜長臨陣秋
覲龍顏暫得歸寂寞橋門能枉顧頓令衰朽倍
光輝

越府長史挽詩

久客漳河一望賒忽聞哀些在天涯一坏黃壤
松楸雨幾處青衿桃李花作賦空懷梁苑路積
書猶羨鄴侯家山陰梅屋留遺跡秋草萋萋白
日斜

寄吳侍郎侍郎嘗許龍尾硯故詩及之

風風蕭瑟別江干
薊北停驂及早寒
把筆常懷龍尾硯
逢人先寄鹿皮冠
右軍只擬臨池試
司寇偏宜退食看
自是文園多病客
可能相遣老懷寬

雨中送陳祭酒作迎送曲

迎君雨如絲
送君雨如注
如此風雨中
今宵宿何處

又

迎君欲久留
送君留不住
今朝與君別
不堪風

附

胡直

字敬方號西湖吉水人仕至右都御史

立秋後有懷京洛諸故舊

秋序昨夜至
炎蒸尚復然
青山不改色
黃葉墮我前
物性固細微
迺得氣之先
人生宇宙間
俛仰終百年
質匪金石固
豈得恒雕鐫
朱顏亦易失
皤髮無由玄
念我三生友
磊落皆俊妍
清狂二十載
聚散如雲煙
高歌白玉堂
隱約青楓顛
行止固不偶
所賦良由天
云何謬一出
凌空失

高騫自慚白紛久有負青瑣賢九霄高漠漠千里情悵悵昨尋東籬菊欲買南山田安分乃吾事富貴甘弃捐努力事勲業諸公斯勉旃

登石材嶺偶成

驅車市廛間紛紜競馳逐勝地一登臨稍覺舒心目前乘葛溪險後俯巽峰綠猿啼隔幽渺鳥鳴在空谷上有千歲松茯苓日堪斲下有百尺潭蛟鼉時潛伏聞道學仙侶誅茆向其麓求之不可得况可與論宿擾擾塵世人何爲苦羈束願言徃從之超然越流俗

其二

蚤讀聖賢書無心志丘壑欲起振橫流翱翔上寥廓如何中道乖塵事苦羈縛今日旅江臯明日走城郭杖屨不容遂巾韞豈能却佳晨陟幽巘俗慮俱脫略緣微度前嶺跼步登險嶢時秋積雨霽草樹將搖落安得一壺酒遠與幽人酌浩歌天壤間冥棲有真樂

清虛子

清虛子神仙客妙年出入黃金闕曾侍天壇禮
玉皇鶴氅羽衣金蕩節或隨列禦寇乘風八極
中或從赤松子吐納凌青空三花既結頂五炁
仍蟠胸松栢秀媚桃李容清虛不與流俗同吸
沆瀣兮被明月幾見蟠桃千歲紅我有紫霞想
未脫塵外踪有待功成拂衣去桃花源上期相

逢

小孤山

岷嶓水自巴蜀來西江彭蠡亦壯哉衆流于此

相會合滾滾一道由天開控引百川水日夜俱
朝宗萬古君臣義江流無不同兩山相峙青壁
立一柱擎天高萬尺閒雲宿霧任往來巨浪驚
濤從射激織紉祇畏蛟魅愁燄犀須恐魚龍泣
半山亭榭赤欄干仙女神遊晝往還鸞鶴何須
闌苑風環珮謾許留塵寰我有登高興未獲造
其間絡石土花碧映水桃竹斑吳公雄筆照絕
島邵菴學士同躋攀風流數老不復見遺餘墨
筆留空山遠招山之靈酌以一壺酒禹功碣石

今尚存伏波銅柱終難朽俛仰人間無盡情萬
歲千秋惟爾壽

登望湖亭

朝望湖水平夕瞰湖水清湖天四月南風競滄
波萬頃天冥冥湖間亭榭作何代歷歷江山殊
勝槩匡廬山遠張錦屏五老峰高疊華蓋古人
至者應未多傳云已往惟東坡雄詞健筆映千
載只今遺跡留山阿我時來此已頭白浩歌似
覺滄漠窄天空水濶混虛無更闌斗轉迷南北

登臨不盡今古情乘流况欲登蓬瀛聖恩汪濊
似湖水布衣總得諧恩榮遂呼美酒酌江水馮
夷起舞羣龍喜茲行不須乞如願明日乘風過

彭蠡

黃氏松竹圖

憶昨謔陽故人邀我遊芙蓉溪蜀葵花開蒲葉齊
錦箏瑤席美清夜醉看明月流天西芙蓉才士
淮東客還家暫息凌雲翮疊巘開屏對畫樓喬
松偃蓋環深宅夙志曾聞雅結屋亭西頭松篁

手自種九夏如三秋我時醉卧北窗裏朗吟似
覺商飈起繡棚暗蛻赤龍鱗翠葆曉抽青鳳尾
陽烏漏金光陸離舊葉未落生新枝清音時聞
戛蒼玉倒影忽作玄雲垂載調綠綺琴和以洪
澳篇知心獨想子猷在林下豈特山濤賢君家
伯仲真連璧昨者過從應咫尺去年漂泊江水
東幾回悵望長相憶長相憶可奈何酌君酒爲
君歌東梁倦客日已老南州故吏今無多新圖
遠寄堪怡悅終當更棹山陰雪擬約譙陽再訪

君揮毫書徧琅玕節

夜宿嶰空寺

朝從龍濟遊暮投嶰空宿山深風雨來庭戶秋
容蕭解巾挂垂蓉裁詩俯脩竹寓此適幽情超
然脫塵俗

送郭正巳南還

年華相見卽相違一舸龍江指日歸快意會看
鴻鵠舉愁驚惟羨鷺鷗飛荆揚濡滯三春雨巫
峽徜徉幾夕暉壯歲勝遊今老大白頭甘分故

山薇

送徐崇威之京

曉日遲遲送客舟無窮離思逐東流別情盡付樽中蟻適意深期水上鷗徐樂負才寧自獻彌衡懷刺豈輕投明時戀關心偏壯定剖丹衷副袞旒

送晁菴胡學士扈從之北京

唐宗才秀喜逢君蚤有聲華海內聞恩渥豈徒親密勿經綸真足致華勲從容房杜無庸傳

微曛 歐虞祇自文此去黃封常有賜遠人寧惜寄

寄鄧給事中子信

金吾往往到巖扃為覘湖山有客星別後鬢華秋易白把來衫袖曉猶青江都久廢天人策關尹能留老子經但得羣龍滿朝野鴻飛何必嘆蒼冥

送邊將還舊鎮

去家長城本舊丘旌旗西上路悠悠朝吹出塞

歷代詩選 明古詩 卷七十一
羗胡笛夜坐籌邊古戍樓飲馬直從青海上射
鵬還過黑山頭玉門關上思歸老定遠應辭萬
戶侯

瀟湘雨意圖

鷺竹叢深日未晡寒江煙雨翠模糊東風無限
瀟湘意却倚篷窗聽鷓鴣

題貴妃春醉圖

歌罷霓裳一曲歡酒曛無力上雕鞍侍兒扶起
雲鬟側喜得君王駐馬看

天華晚翠

天華屹立煥金華蒼翠仍宜落日斜試問謫仙
高卧處一巢今已屬誰家

許由

千古清風一許由木瓢連掛樹梢頭若令洗耳
聽人世轉使先生無限愁

白蓮

玉雪肌膚秋水間碧波深處露雲鬟巫山十二
皆神女肯逐襄王夢裏還

石倉十二代詩選

明詩卷之七十一終

[Large vertical ink smudge or bleed-through mark]

石倉十二代詩選

明詩卷之七十二

金谿王英著

大明

後學曹學佺閱

自勵

大道何坦蕩出門安所之吾將肅輕駕獨與萬
 星期東望有泰山其高亦巍巍上摩蒼天表下
 瞰碧海涯欲往一登覽素心良所思俯首眇窮
 島仰身臨紫微飄遙適志意慎哉毋疾馳躋高
 必自下斯言不可違

又

團團匣中鏡皎皎流素光鑒物無遁形妍媸安
得藏經時苦昏翳游塵漫飛揚顧此三嘆息胡
為失其常拂拭去瑕垢精采復煌煌衆汚不可
染持已貴自減恒當慎夙夕惕然以自防

又

歡多苦必至愛洽恩易疏明者達深慮志在慎
厥初宅心貴冲一視有當如無持循勿改轍榮
辱乃殊途鄙人肆僥倖百巧競相須偷楊固可

問詡詡終何如傷哉衛彌子竊駕悲自愚

雜詩

庭中多嘉木枝葉相蔽虧上有雙飛鳥朝出暮
還歸和鳴相顧盼乳哺得所依如何遠遊子泛
泛東復西

袁太常閑居詩次師姚公韻

志士何矯矯心與浮雲馳若彼丹鳳翮英豪安
可羈名初領華秩跡已謝黃扉守道為全璞先
幾乃知微永諧平生友皓首以同歸四休遂深

契五十諒知非誰當懷三益我意終無違

哀義士周益詩

步出崇明城遙望城南里天寒饑鳥啼日暮北
風起綠楊何蕭蕭衰草生故壘傍有三尺墳葬
此千載士昔時從戎馬一身赴邊鄙但全手足
愛百戰何足畏崎嶇越關山辛苦乃云逝傷哉
有斯人薄俗誠所愧遺風何凜然聞者皆墮淚

扈從至中都

長淮日東馳衆山驚西北重城壯且麗飛觀高

百尺聖祖昔臨幸玉帛朝萬國酒酣歌大風天
威何赫赫今我神武君昭哉嗣宸極鑿與斯蒞
止祇台森衛翊匪徒事逸豫弘亮大孝德寵禮
加耄倪溥及動與息重光益宣朗繼美諒無斁
所慚載屬車深抱素飡責興言頌王猷賡歌思
戒救

秋暮田野有作

郊野蕭涼颺晨朝溢霜露驅車向高原偶然過
田父喜我相經過坐我茅簷下論談未移時長

歷代詩選 明王明彥 三
跪自陳訴區區鄙野人衰朽誰復顧一女嫁遠
方二男在邊戍力耕以自供晨餐夕無措未知
身死日棄置在何所幸逢朝廷恩優詔免租賦
嬉游且自娛聊復保朝暮聽言思慷慨賤子愧
尸素三時飽大官累歲佩華組豈公田野翁老
大益辛苦

題楊郎中寧公勤堂

天道惟至公天運行不息聖人體蒼玄爲世垂
典則以公施於政以勤成乃德重華文教敷夏

后寸陰惜萬邦歸里仁百辟疑庶績皇王嗣天
統端拱御宸極治功昭大中宵旰不遑食濟濟
羣寮中寧也能儆飭仰惟聖德尊欽哉思允迪
秉志無邪私臨戎屈謀策遂登要路津寵至愈
兢惕大書扁高堂瞻仰自晨夕永言銘諸心于
以懋乃職嘉名與厚祿榮命益以錫

大祀南郊詩

國典昭大祀精禋戒首正紫壇廓清肅金枝耀
晶熒犧牲旣在滌玄酒亦芳馨郁郁燔燿舉皇

歷代詩選 明三 四
四
皇鐘鼓鳴哀冕蒞對越多士肅祇承帝祇儼在
上來享助百靈奠陳秩有奕禮備斯告成宸心
益疊疊列象垂冥冥陳詩咏我將頌德仰聖明

商山四皓圖

吾聞商山四老人乃是秦世之遺民一朝遁入
山中去何事終身其隱淪是時秦皇御寰宇法
令煩苛暴如虎儒生既坑六籍焚黔首悲愁盈
道路渭川東遶咸陽城流水猶如帶哭聲偉哉
四老乃何似有若鴻鵠凌青冥長松落落瑤草

綠亂石蒼蒼滿幽谷採芝一曲意脩然不管人
間榮與辱漢家書幣遠相招忽覩衣冠來入朝
皇儲既定山中去巢許安能事帝堯丈夫全身
保名德四老高風那可得看圖西望意無窮商
山雲外千峰碧

丘氏三節祠

蒼溪之水日東注驚波渺渺無人渡嗟哉丘家
嫂與姑同時死在波心處伊昔元季兵戈興四
郊豺虎何縱橫貪饑無厭肆吞噬老稚驚奔無

歷代詩選 明王明 卷七十一
處避可憐此嫂與二姑驅斥匍匐登長途仰天
大慟淚流血誓欲全軀守貞潔行行把轡奔且
馳嫂躍入水姑隨之九淵瀾漫奮身入貞魄下
訴馮夷泣雲霧黯慘天無光蛟龍悲吟波浪立
世稱三節近所無不減人間烈丈夫至今明月
清秋夜影照溪水猶模糊嗚呼溪水湯湯去不
息過者臨流爲悼惜從來節義可感人作詩擬
刻茗溪石

送彭秀才從大將軍英公征交趾

春雲欲雨半成雪疾風吹衣冷如鐵平明師出
將軍行城頭風高鼓微咽將軍自昔膽氣豪身
經百戰不辭勞前年破賊平南交奏凱歸來功
最高去年從征斬驕虜今年又向南交去幕中
賓從多賢良帳王諸軍盡貔虎彭生本是江西
人少年今作幕中賓拂衣仗劍來別我慷慨南
行思致身畫船紅樓魯江水中流放歌北風起
魚龍吹浪渡三江旌旆連雲亘千里炎州到日
暮春餘銅柱山高有故墟金戈鐵馬經行處瘴

雨蠻煙盡掃除榕陰滿地花開遍邊人重覩將
軍面將軍出令聲如鐘詞客吟豪眼如電知君
際遇在斯時會見功成日下歸人生富貴須早
致豈是江南老布衣

扈從過夾溝夜宿

初雨過符離雲霞望欲迷垂鞭信馬去傍輦聽
鶯啼山繞行營外溪迴帳殿西夜深聞鼓角天
近月華低

扈從宿臨城

促鼓更鳴刀風高霧氣消遠山初上月野水不
通橋地迥過三峽花深似五橋應慚屬車未待
漏向春宵

夜泊淮河北岸

曲岸風濤靜收帆夜泊舟潮聲隨月上波影帶
星流爲客獨千里思家尚百憂通宵暫成寐歸
夢到南州

送金諭德扈從征虜

三春車駕發萬里滅殘胡龍虎揚軍勢風雲布

陣圖從臣侔稷契兵法論孫吳破敵應無戰謳
歌待獻俘

秋初有懷呈魯侍講彭脩撰二公

律應清商動涼生大火流梧飄金井露鴈度玉
門秋爽氣消殘暑砧聲報遠愁佳期七夕近乘
月却登樓

挹秀軒

勝地風爐外遙山紫翠分花飄萬壑雨簾捲半
溪雲鶴韻林間續樵歌谷口聞不妨招鄭老對

夜論文

元日朝回奉呈院中諸公

鳳曆頒新紀三元肇此辰風雲雙闕曉雨露萬
方春珥筆長隨輦思家獨念親年年赤墀下喜
見歲華新

元日昇平詞

華席中天近祥雲五色多衆星環絳闕一水接
銀河花滿瀛洲樹香涵太液波長年逢此夕恩
意共春和

蓬萊出霄漢樓殿壓金鰲地接西山近城臨北
極高夜光生齒苔春色泛仙桃遙見旌旗外將
軍佩寶刀

扈從度龍門作

邊塞山川壯關城地勢雄崖傾開鳥道路險瞰
龍宮從隊千旗擁前驅一騎通紆迴多傍澗登
陟半凌空雨霽岩前霧香飄樹杪風雲隨仙仗
白花映御衣紅景屬陽和後恩覃化育中臨高

酒刻石頌此紀神功

寄和楊之宜春早侍宴朝回之作

紫微天近九門開玉漏聲殘禁鼓催五色祥雲
依黼座九重春色泛金盃輕風細逐鳴鶯散新
柳低迎仗馬回一曲陽春誰和得鳳凰池上待
君來

送南康翁教授赴任德安

白髮峩冠古晉賢十年風雪守寒氈關西不獨
推楊震闕下從來說鄭虔別路斜陽京口樹他

歷代詩選 明 王 陽 明
鄉明月洞庭船郡齋南望山如戟還似匡廬舊
講筵

送汪生別兄南歸

高歌一曲間清箎曲盡何堪更別離
汶水煙波秋日暮彭城風雨夜寒時
行經遠郭聞鷄早望入長江見鴈遲
得到故園春已近滿池芳草不勝思

少年將

豪家十萬羽林兒壯氣桓桓似虎貔
挽得瑯琊射飛虎賜將宮錦繡盤螭
春城走馬花開處夜鼓歸營月上時
應是太平無戰伐少年行樂正相宜

朝回宴李君小館有懷

欲寄鄉書過鴈稀家山長在夢中歸
天連楚澤波聲遠雪暗交河樹影微
每聽隣鷄馳曉騎多乘殘月着朝衣
與君退直歸偏晚把酒相看對夕暉

榆林直宿有懷邵庵學士對月之作

歷代詩選 明王明
榆林春夜漏聲遲獨憶金章對月時翠袖清歌
看駐輦彩箋紅燭坐題詩連雲尚有青山在夾
路應多綠柳垂北望窮荒凋落盡昔年文物倍
增悲

贈李將軍

青春玉帳樹牙旗蒲海風高列陣時夜斬單于
冰上度曉驅番馬雪中馳功存鉄券書丹字冠
着金貂侍玉墀誰道廉頗今白髮指揮猶可萬
人師

戲馬臺

烽煙三月火咸陽功業終隨玉斗亡却嘆重瞳
非伯主方知隆準是真王蕭蕭歸馬旌旗盡寂
寂空臺草樹荒堪咲英雄還存浪暗鳴不似楚
歌長

題滕王閣

連城高閣起崔嵬帝子曾經歌舞來四面簾櫳
開曉霧半空簫鼓隱春雷緱山謾說乘鸞去遼
海徒聞化鶴回惟有一二王遺刻在年年風雨長

莓苔

文

鳴鸞佩玉憶當年遺跡荒涼倍可憐尚有殘花
飛蛺蝶應多古樹怨啼鶻西山疎雨浮雲外南
浦驚濤夕照邊何事王孫舊時草滿堤猶自綠
芊芊

勅建東閣新成次曾侍讀韻

中天高閣起岩堯人語遙聞在半霄架插圖書
皆御勅闌懸複道有虹橋雲邊山色疑開畫花

底鶯聲似奏韶自愧清時同載筆相如詞氣獨

飄飄

梅真觀

去國長懷萬里憂封章未報恐歸休已無忠諫
居三輔獨有威權在五侯舊館空餘秦地月古
壇猶似漢宮秋傳聞跨鶴三山去不向湘潭賦
遠遊

玉泉垂虹

陰崖翠濕雨微收一派清冷萬壑幽雲裏玉虹

歷代詩選 明 王 耶 秀
低映日天邊銀漢迥涵秋影隨斜月穿林過香
泛飛花出峽流涓涓不向人間去細逐春風入
御溝

太液晴波

杜若花深雨露香滿池春浪接天潢樓臺淨寫
空中影日月長涵鏡裏光有象龜龍皆獻瑞無
心鷗鳥亦隨陽應知聖澤深如海已有恩波及
萬方

西山霽雪

入近諸峰盡向陽暖融晴雪見春光素華疊映
雲霞色瑞氣多含草未香漸覺層林分遠近遙
看空翠出微茫爲語東風莫消盡且留歌咏付
仙郎

蘓公圃

避地遙尋高士居滿畦芳草意何如別來劍閣
千山月拋却陰符一卷書使節謾回斜日外園
花空發暮春餘明當移棹煙波去不羨人間駟
馬車

舟過孟城

畫船槳鼓過孟城兩岸桃花春水平
今夜湖中多好景直須看月到三更

題胡人歸獵圖

獵罷陰山暮始歸繞鞍雉兔馬行遲
風高不敢鳴笳鼓只恐防秋漢將知

附周述詩

吉水人有東野集

題胡氏壽阡

人生會有期斯理迺其常百年能幾何
迅若流

電光彭聃孰云壽奄爾之何方自非金石姿
壽命焉得長茲山實靈秀遂此卜幽藏脩短任大
化奚必較存亡窀穸爲我宅泉臺爲我鄉達識
有如此可以齊蒙莊

玩秀軒

華軒臨清流秀色堪攬結霞影相蕩漾波光互
明滅花飛渡頭春帆落洲上月縱觀心目趨靜
對形神悅應共滄浪人濯纓咲予拙

黃孝子詩

歷代詩選

月司崇本

卷七十一

十四

歷代詩選 明 羅氏
江黃多孝子至性由天成兵亂母竟失幼小方
五齡稍長每追憶五內爲之崩遠尋渡江淮豈
憚萬里行辛勤四十載奔走跡不寧一朝汝水
傍相見豁深情所嗟髮已白猶喜顏尚頰親戚
盡歡慶里間咸嘆驚詠歌信不虛孝行乃見旌
遂令盱江上永世揚芳聲

轉蓬

疾風吹轉蓬去去何所止一與根本離飄飄將
萬里男兒旣墮地出處每如此嗟我南北人

羅氏在官使漂泊長若斯何由返桑梓

和靖觀梅圖

西湖昨夜天雨雪雪中獨有梅花發一枝冷浸
玉壺冰寒徹重裘咏不成小童附火情更苦白
鶴何心向人舞展圖更覺肌骨清彷彿如從湖
上行逋仙一去不可見俛仰徒令詩思生

羅氏翠筠樓

昔人種竹幽谷裏影落溪流似湘水君今種竹
與雲齊一片蕭森翠如洗簾外條條景色幽六

月凜凜涼生秋滿庭蒼雪無人掃三徑清風從
客留留客彈琴復吹竹竹葉陰濃過醞醪倚樓
日日對琅玕得句時時刻蒼玉世人皆愛桃李
春花開一片隨紅塵請看歲歲霜雪裏不見羣
芳惟此君

采石寒潮送廬陵郭彞

憶昨扁舟過采石大江東流去無極潮頭如山
天際來奔濤怒噴聲若雷素練風翻忽飄洒似
挽銀河向天瀉當時停棹客心驚寒徹重裘夢
不成一從來作兩京客潮落潮生幾朝夕只今
歸去大江東帆挂寒潮逐曉風欲作鄉書託潮
水濤陽向上恐難通

題虎

長松落落盤蒼龍下有猛虎來腥風雙瞳夾鏡
懸秋月長嘯一聲山欲裂獨行耽耽勢莫當百
獸辟易安敢嘗郡中賢侯今始遇昨夜分明渡
江去

題龍

虬龍靈變不可測
蜿蜒歲久蟠滄溟
碧波如乳
若山立朱橋似欲凌空行
是誰寫此得真趣
白晝高堂起煙霧
慎莫雙眸更點睛
只恐乘雲天上去
賜觀燈詩
今夕逢元夕
歡聲遍九垓
星臨銀漢動
月傍碧空來
紫禁千花繞
金門五夜開
聖情同宴賞
玉漏不須催

又

鰲戴三山出
岌勢入空移
來滄海上高視碧
雲中花嶼霞光動
丹崖瑞氣通
喜看多洞府
何必訪崆峒

又

魚鑰通宵徹
金蓮達曙紅
門開九霄外
輦度五雲中
劍佩隨仙蹕
旌旗拂彩虹
宸遊多樂事
此夕萬方同

兩峰白雲

悵望西湖上
兩峰雲往還
孤飛在親舍
千里隔

鄉關此去不可遂南行空欲攀願將披絲服長
得拜慈顏

送別

春滿帝王州英年是勝遊西山殘雪在北闕絲
雲浮別思隨飛鴈歸心繫去鷗題詩一相送愁
上仲宣樓

楊氏南園

一徑通南麓幽尋不負期看山遙對酒臨水坐
題詩深樹鳥啼處長林花發時平生慕棲遁只

恐世人知

南歸詩

久客鄉心切舟行何獨遲不愁歸日晚恐負到
京期微雨寒生夕長河水落時故園空悵望煙
樹正離離

維揚懷古

廣陵河上路煬帝昔曾過不見瓊花發猶傳玉
樹歌臺荒衰柳在宮廢亂營多欲問前朝事悲
風起夕波

葛仙壇

白石香岩望欲迷
 仙壇下瞰楚山低
 靈源雨過花初發
 深谷春來鳥自啼
 劍氣猶疑射斗丹
 光常見拂虹霓
 世人誰復知行徑
 瑤草青青長欲齊

送蕭司訓

天書晨捧出金鑿
 分教南州早拜官
 千里不堪明日別
 一樽聊盡此時歡
 官河歲晏冰猶合
 客路天寒雪欲殘
 遙想傳經聽講罷
 東風應到杏

化壇

贈趙駙馬

三春相見鳳凰城
 春盡重逢在帝京
 到闕獨承金殿問
 退朝同向玉階行
 清時名譽歸平叔
 昭代文華重晉卿
 况是新知能枉顧
 殷勤何異故人情

送劉叅政赴江西

憲府乘驄久擅名
 少叅今日被恩榮
 薇垣在笏青山近
 畫署焚香白晝清
 北闕曉趨辭左掖
 西

江秋去擁前旌旬宣自是藩維職應有聲華滿
帝京

舟中偶成

野曠天無際舟行日欲斜
浦林黃葉落不省是誰家

又

天際雲山出沙邊鴻雁鳴
鄉心秋更切何處擣衣聲

踏雪

一路寒山雪未消尋芳不惜碎瓊瑤
梅花昨夜將春色開到溪南第幾橋

南歸

曉奉綸音出建章賜歸新被寵恩光
禁城不鎖還家夢昨夜分明到故鄉

又

鄉心一片若懸旌舟發長河不肯行
聖主分明許歸去東風何事獨無情

石倉十二代詩選

明詩卷之七十三終

...

...

...

...

石倉十二代詩選

明詩卷之七十三

容膝軒草

大明

廬陵李禎著

後學曹學佺閱

題書室

一室厖如斗堆牀置琴書耕讀得閒暇兀坐心
自娛天光在龕牖席門掛繩樞已忘朝市榮聊
依野人居環堵本隘陋于我信有餘陶然俯仰
間八荒在庭除豈但一榻外六合真吾廬卽此
自寬裕廣廈空渠渠

梁處士輓詩

涼飈振庭樹，殞星當前除。伊人此遐逝，歛衽歸玄廬。翩翩丹旆揚，祖行在須臾。衣冠閼重泉，體魄寄荒墟。浮生雖有盡，令德諒不渝。沒世苟無述，百年復何如。梁鴻有遺烈，千載與之俱。

彤答影

有彤斯有影，物理固其常。我行爾必偕，我息爾乃藏。豈能相依附，實此同存亡。學仙非無術，却老亦有方。古稱彭鏗輩，其壽邈難量。于今竟安在，孰是長生鄉。多君爲余勸，茲道終杳茫。參苓且當止，莫若銜盃觴。

松石軒

夙有水山癖，竟辭天路遊。屏跡衡門下，愛此松石幽。青松陰我屋，白石臨溪流。逍遙曳藜杖，撫玩舒煩憂。老叟解吾意，負榼遠見投。歡然笑相會，且共飲數甌。倦卽憇石坐，時還撫松謳。盡此一日樂，明日非吾謀。

題雙燕圖寄表弟陳汝安

歷代詩選 卷七十三
君家唵溪北我家郡城西君家梁間燕我家梁
間棲我從出鎮來寒暑又三變不見故鄉春惟
見故鄉燕挈家古城邊寓家汴河濱燕識主人
心相隨不相離念君千里隔見君幾時得欲令
燕銜書飛歸到君側君能拂吾塵爲理白雲莊
願言共君老看燕雙飛翔

琴清軒

有客本冲素瑤琴何靜淵層軒久絕俗士跡綠
綺自上朱絲絃初彈徵調聲古澹澤國葦寒瀉

旅雁再彈堂堂如迸泉冰盤亂走珠璣圓斯須
改調羽仍角灑灑明珠相續落秋吟瀟瀟見斷
雲春和鸞鳳鳴阿閣吾聞伯牙昔善琴後來不
復傳遺音如何到處聽者少悠悠山水空高深
銀箏錦瑟人同喜流蕩注淫愉俗耳衛國誰知
擊磬心齊門孰識吹竽耻三尺焦桐只獨怡希
聲大雅世豈知但令妙解徽絃趣不必黃金鑄
子期

題徐太守所畫推蓬梅花圖

紛紛卉木凋零早獨有江梅冬更好天寒歲晏
風泠泠野渡無人流斷永南枝爛熳北枝少恍
如玉貌千娉婷自憐隨月印沙影更愛臨崖近
水形當塗太守今黃霸名重華光補之亞酒酣
自寫復自題餘子持練終不畫半開盛吐俱含
態將飄乍落皆有情玲瓏輕霰簇鏤玉蕩漾明
珠疊碎瓊昨來盧君新卷裏寫得長梢最妍美
疎蘂凌寒似得春暗香撲鼻疑生紙世間畫手
多凡流惟數徐君筆最優不必掀篷掉飛雪觀

圖何異在扁舟

題三友卷

世人結交結貨利知君結友與人異半生締交
只三物對之不言心也契偃蹇虬龍當檻繙冰
魂翠袖靜相看因悲薄俗隨冷煖聊托幽芳共
歲寒願君終身勿相弃豈必彈冠復聯袂苦口
雖無藥石言同心實有金蘭義君不見紛紛輕
薄流朝作刎頸暮作仇人情真似翻覆手三友
貞姿寧易求

栢室

楊家住在南山側不種棠梨惟種栢棠梨開落
易衰榮栢也亭亭色鎮清屈曲靈根蟠厚地崔
嵬鉅榦拂高冥天風乍起生竿籟撼屋驚濤忽
澎湃雷霆白晝走蛟鼉雲霧中宵見光恠良材
自有神明扶下視凡木皆庸奴狄門桃李敢爭
艷田氏荆花差可徒楊郎愛之如愛寶四季俱
宜夏尤好赤日行天暑不知濃陰覆地涼偏早
孔明廟前根久枯御史臺中樹亦無何似君家

書屋外蕭蕭寒翠兩三株

昔年謠示七郡父老

昔年我來徵需重爾有田園何暇種今年我來
民差好諸般免却無煩惱昔年迯夫今不追昔
年逋租今不陪今年頻赦昔年罪昔年流移仍
撫綏白頭父老來汝告朝廷厚恩要補報便應
差徭莫逋糧休學樗蒲致爲盜勿爲盜兮輸官
錢男治稼穡女治綿俗皆淳美人晏然我亦思
如召伯賢

陌上桑

曠曠曉日艷陽天此時秦家蠶正眠春深桑葉嫩
芊綠羅敷採摘出城邊東條西條相糾纏滿日淑
景麗且妍繁紅芳紫萬仍千輝煌宮錦綉晴川照見
羅敷貌嬋娟髻雲倭墜鴉色玄步搖斜插釵鳳偏水
姿何曾屈丹鉛香齧皓齒疑貝編眉橫青山黛初填
杏臉細膩霞暈鮮項如蠶螭搓玉圓額角斜貼翠花
鈿寶璫耀耳瑪瑙懸褰拖秋水籠步蓮月鈎窄小進
難前胸垂緩帶

繡鸞鵝同心綰結一雙聯暖風披拂飄蘭茝從傍
過者驚復憐盡道羅敷是神仙使君駿馬來翩翩下
馬揖贈黃金錢欲同携手共周旋羅敷低頭久默然
逡巡微聽細聲傳自陳未笄窺簡篇頗知禮訓守貞
堅閨房節操雪霜蠲瑩比明蟾照清淵夫君豪俠稱
英賢才兼文武實兩全驂駟絲轡象牙鞭麒麟鎖甲
劔龍泉揚麾分符領兵權雕戈畫戟擁旌旛流蘇複
帳駝絨璫博山亂噴沈水煙侍兒濃抹森後先霞綉
長褰舞

歷代詩選 卷七十三
編襪左迴右轉信輕便舞罷巧按鷓鴣絃烹羔
刺豹開瓊筵蒲萄名酒滿觥舡犀筋不下飮腥
羶夫君歡娛無與肩羅敷嘉言皆陳宣陳竟歛
衽携筐還人生如匹本定緣使君有妾諒盛年
丁寤疾驅歸去過結髮義重勿弃捐

漢武帝將軍柏歌

茂陵求仙期得仙思騫玄龍飛上天密函秘簡
事封禪宛馬馳來崧嶽前崧前獨愛三樹柏錫
以官名表殊特至今猶說是將軍香葉屯雲凝

翠色當時立身隘八埏一舉欲息崑崙巔窮兵
黷武事遠略此豈解有冲昇緣秋風亂哀萌晦
早王母桃花幾回老金莖瑞露成清淚珠襦玉
匣埋荒草羨渠老壽在名山駐齡弗藉文成丹
詼諧獲聽方朔論侍從曾識枚臯顏秃枝銳榦
如銅鐵傲雨凌霜古皮裂地籟朝驚萬壑風精
靈夜泣三更月武皇不歸時代遷遺爾擁腫燿
霞邊莫疑孔檜頗相妬且喜社櫟能忘年

春日山中尋泉

春泉試獨尋度壑復穿林忽見流紅遠方知入
翠深色渾因悟雨聲澹只疑琴盥弄忘歸去窮
泉空有心
擬唐塞下曲
胡塵際北天衛霍出居延苦霧埋沙磧窮荒乏
水泉戰酣鼙鼓壯戍久鐵衣穿試上長城望中
原若箇邊
羽箭雁翎刀風沙北地豪弓開關月滿鵬沒陣
雲高劔騎三邊出匈奴一夕迺將軍方得意

拜璽書褒

鐵騎蹴交河銜枚半夜過雪花凝鎖甲月色冷
雕戈點虜俱亡命連營盡凱歌至今青塚骨猶
恨與通和

十五去防秋于今已白頭一身猶是卒諸將久
封侯部伍嫌羸病親知識壯遊寒燈孤戍裏揮
淚看吳鉤

犬戎窺近塞羽檄發精兵不識沙場苦馬知性
命輕飢鷹投古壘疲卒卧空營日暮轅門裏愁

聽鼓角聲

送人南歸

離絃兼楚調
忍向醉時聞
連歲長為客
他鄉更別君
鷗波明夕照
雁字寫秋雲
迢遞還鄉夢
相隨過海濱

百年同旅寓
大半在殊方
白髮羞明鏡
青山問

故鄉落霞秋
水濶新雁暮
天長安得隨
若往溪

南訪草堂

候館停盃處
扁舟欲發時
歸帆投遠浦
斜日隱

石垣暑退秋來早
潮生月上遲
經行逢勝槩
都

付酒中詩

年年長在客
北薊復南京
秋雨滄洲雁
春風采

石鶯好山環
故里流水背
孤城去住無
拘繫閒

身到處輕

寄蕭教諭

聞說崑山縣
孤城在水鄉
汝潮通海近
雲樹接天長
夏暑汚田熟
秋陰學舍涼
年年春色裏
桃杏爛宮墻

喜張進士叔豫見宿旅舍

窮巷寂無隣青燈共故人遠聲霜下磬孤影客
邊身砌冷蛩相弔庭寒月自親殷勤一瓢酒更
與話酸辛

送陳生歸吉水赤岍

清砧兼落葉總是別離情去路千程遠歸舟一
葉輕秋雲連樹暗寒日映川明亦有滄浪興何
時共濯纓

送周秀才遊長沙

迢遞長沙道蕭條晏歲遊亂山黃葉寺孤棹白
蘋洲夕鳥衝船過寒波背郭流母論卑暑地賈
傳昔曾留

周原幽居

山色蛾眉秀江流燕尾分亂蟬吟落日獨鶴引
歸雲黃葉溪邊樹青帘雨外村興來留客坐隨
意倒芳樽

送戴教授北行

別路三春雨行舟五兩風花香隨路減柳色上

歷代詩選 明李昌祺
衣濃共是青雲客先成白髮翁離情如逝水萬
折亦朝東

送人之京

上巳風光好新晴物色妍青山林下屋綠水鏡
中船節換榆燿火花殘穀雨天壯遊逢勝景况
正五雲邊

李生還安城

北薊離人南京別故人一身勤遠道千里念
慈親柳暗江平香野岼春燈花先報喜應

更倚門頻

己亥除夕房山營中作

患難仍連歲蹉跎獨此身風塵雙短髻宇宙一
羈人入曙繁星沒疑寒積雪新椒花今夕酒祇
是強沾唇

宿廢普濟寺

青山行欲盡深樹見僧房雲氣千峰暝秋聲一
院涼長藤懸破袖脫葉覆空廊龍象黃金地蕭
蕭蔓草長

三月四日卽景

忽忽春將暮俄過三月三
草誰憐益母花自媚
宜男乍到尋巢燕初眠
上箔蠶新茶與穉笋鄉
味憶江南

賦落花

愁紅怨粉各依依樹下偏多
樹上稀總爲春光
各絕治却教夜雨妬芳菲
數枝浸水魚吹去幾
飛莫教東風成薄幸
猶能收拾點

孝陵秋日陪祀東彭贊禮永年

鍾山欲曉色蒼蒼小輦輕輿出建章
苑鹿不驚仙仗過潭龍故噴御泉香
重城隱霧留殘月高樹含風送早涼
惟有祠官最清貴時來導駕沐恩光

送熊生還鄉

石頭城下柳蕭疎久客懷歸念遠途
鄉夢每生鐘斷後客愁偏在酒醒初
扁舟暮雨青衫薄折葦涼風白鳥孤
擬共丘園尋別業臨岐相送獨

脚蹶

訪鷺洲書院遺址

宋家書院但空名二水中分草樹平陵谷變來
基亦沒野人耕處草還生落花細雨文魚上殘
柳西風白雁鳴臨眺不堪懷往事

凄清

送李生赴會試

明時自笑久離羣中歲仍傷送別頻暮雪梅花
殘臘酒東風楊柳上京人仲容年少青雲早杜

牧才衰白髮新昔日戰場已成夢天涯空憶杏

園春

舍弟客錢唐索家書寫此示之

故園書信久荒涼愁對西風見雁行身在京華
依魏闕夢隨潮信到錢唐乍添老態經憂患漸
入中年易感傷聞看白雲惆悵久不知清淚已
沾裳

寄刑部李主事時勉周主事恂如

二妙翩翩最好辭拜官同在白雲司一身多難

憑誰問三載離羣獨爾思
紫陌香塵聯轡處絳
紗銀燭候朝時才名獨數
臯枚盛肯把新題寄
所知

明妃引

年少如花在被庭誰能不戰
屈人兵黃金莫鑄
將軍印妾去防邊萬里城
若王莫遣妾行遲胡虜由來
愛少時只恐紅顏
易衰老宮中更預選蛾眉

舞陽留侯廟

信族稀夷越醢躬太平無復
用英雄高皇却墜
先生計世上何曾有赤松
人心變幻幾千般帶礪盟深
亦易寒秦網迤來
迤漢網誰將此意語蕭韓

山路謔花

枝頭地上總猩紅幾樹繁開
幾樹空顏色一般
榮悴別誰將此意問東風

山中牡丹

不煩澆灌不煩栽長過清明
穀雨開爲問洛陽

歷代詩選 此劉士皆
豪貴客幾家還有舊亭臺

嵩縣遇端午

老大偏多故里心一逢佳節一沾襟誰知此日
菖蒲酒迢遞山城獨自斟

附劉士皆詩

泰和人仕
至憲副

金谷園

金谷渺何許邈在洛城闈借問作者誰晉代石
季倫念昔初建時氣勢亦何殷兼金買寸地豈
惜寶與珍園池極侈麗臺榭窮兵輪但恐已樂

遠寧顧閭里貧遙遙步錦障錯襍綵繡紋屑沈
試輕體燔蠟代爲薪翠釜出駝峰玉盤薦猩唇
醉揮鐵如意珊瑚輕若塵平生知己友二十有
四人事異各已去伊誰仍見親賴有墜樓妓雨
泣情殷勤雖能効微節寧復免爾身倉皇死生
際徒供奴輩嗔至今園上草寂寞伴甯燐我來
一經過駐馬立荆榛俯仰重裘狗感慨臨風頻

夾馬營

胡雛運已訖猶自憂生民焚香每祝天願早生

聖人蒼蒼聽不遠輒復鑒其真遂令趙點簡出
誕應昌辰神光已照室異香亦氤氳乃知龍鳳
種不與常產倫一旦真命歸黃袍忽加身裴徊
陳橋側飲泣意逡巡大綱一以正風俗再還淳
堂堂堯舜位而不私丹均謹授太后教傳之手
足親孤寡已蒙恤保全及功臣有命任不禁微
服行乃頻如何燈下斧斲柱聲忽聞大內已陳
迹夾馬名猶新作詩紀本末聊補史闕文

銅駝巷

古陌名銅駝蒼茫滿荆棘駝亡知幾年猶自紀
陳蹟想其營度初正當漢盛日盡銷天下兵乃
足資融液煽鞠勞鬼工呵護煩神力一瀉遂成
形儼與生駝匹崔嵬兩峰高峻拔千金直有時
夜嘶風萬獸猶辟易鼎湖龍已去中原鹿再失
區區銅臭軀誰復重愛惜我昨一經過尋踪空
太息駝兮如有靈好共金仙泣

天津橋

洛陽天津橋乃是隋所造煬帝久已亡斯橋猶

自好云昔荆建初督役苦凌暴萬姓困莫當妻
孥不相保爨石皆膏脂塗地總肝腦雖能不日
成未免逆天道自從登綵舟甘向揚州老橋上
雖繁華龍輿不復到空餘杠與梁縱橫走羣盜
吁嗟煬帝心何事太顛倒人意既已離安能事
窮討汴水日夜流波濤終浩浩似有哀痛音怨
君苦昏眊我來數經過臨風亦嗟悼何必聞鶻
聲自然傷懷抱

杜康宅

杜康有故宅洛陽城西臯宅廢人已往空餘石
醱糟槽傍有古井香泉流滔滔至今人汲釀展
轉費桔槔古有儀狄氏作此心甚勞大禹始飲
之輕弃如鴻毛云胡百世下爾術尤更高麴蘖
苦糜爛草木困烹熬河中取桑落中山製松膠
洞庭醞柑橘太宛煎蒲萄遂令謹厚士化作兇
儉曹充池或以酒築臺或以糟臺可望十里池
可容數艘敗亡由繼見節義誰復操我生重懷
古感此心醜醜吁嗟乎杜康爾責將烏逃

耆英堂

文潞留守時富韓方釋位構堂聚洛賢作此耆
英會于行十三人人人總名貴鬚眉既皓然衣
冠亦甚偉每當風景妍車騎輒馳袞都人競隨
觀自以後爲愧吾嘗慕其人仰之若巨貝恨不
生同時殷勤爲擁篲堂空已多年苔蘚失遺繪
仰止重裘徇臨風起長喟

范文正公墓

范公天下士意氣隘九州平生一片心未嘗爲

七憂自從參大政廊廟多謨猷胸中百萬兵往
往震藩僮爲政尚平易所至民歌謳立祠畫公
像無問去與留奉賜有餘資恤匱力不休廣置
義田宅豈惟輕麥舟斯人已淪謝遺塚尚如丘
停驂躬拜謁仰止思悠悠

望氣臺

昔人已乘青牛去海濶天高幾昏曙空餘百尺
望高臺至今猶在經行處傳說當年函谷關常
有紫氣來其間世人俗眼不能識往往輕視如

等閑惟有關門令尹喜自言當得異人至築臺
望望未多時果遇東周柱下史從容授以道德
經五千竒言皆至精飄然拂衣不肯任移車又
向川西行川西迢迢路脩阻喜卽辭官遠趨赴
青羊觀裏忽相逢一笑呼名宛如故此邦傳道
實所宜如何又有終南期遂令喜也雙倦足終
歲碌碌無寧時青牛老人去不返寂歷荒臺猶
在眼登高披棘考遺蹤落日亭亭春正晚

會盟臺

池之水深且清傍有危臺如砥平秦趙二君
雖已矣偏留遺土稱會盟憶昔昭王彊盛日六
國聞風皆辟易一朝忽忍割連城殷勤欲買楚
和璧當時誠僞未可知藺公何事去不疑秦果
無意償其地公然完璧間行歸自是兩國生嫌
隙禍結兵連歲無息千里築臺號結歡果爲闔
智與闔力趙旣從容鼓瑟希秦不擊缶將焉爲
豈知壯士五步內欲以頸血親濺之

經陳平廟

梁棟高材冠玉姿蓬門龔牖暫栖遲里中作宰
人稱善蒲曲封侯孰見期躡足可回真主怒問
金能起霸王疑平生功業多如此不獨平城一
策奇

大梁八景次都御史王公韻

寶刹浮圖聳碧空霜天處處坐聞鐘繁臺春盡
花如露汴水秋深夜亦風月映周橋千頃碧煙
凝隋柳一堤濃黃河日夜濤聲吼似出金明雨
意中

陝州

召伯棠陰翠作堆神農祠下總蒿萊三門砥柱
今猶在金蒂芙蕖久不開繡嶺嵐光凝禹廟錦
灘春色上仙臺姚崇已矣齊賢逝翹首臨風憶
俊才

河陰

敖倉屹屹對嶠關廣武蒼蒼夕照間一片雲生
牛口谷幾家人住虎頭山英雄割據鴻溝在王
霸典亡白晝閒往事茫茫只如此臨風何必起

長歎

鎮平

百里雲山簇鎮平四時風景快人情菱花池曉
天光淨燕子崖深霧氣清舊業獨憐先王廟遺
蹤空見故侯城登高弔古頻惆悵樂極翻令百
感生

劉昭年

字昭昭
萬安人

蠶婦歌

朝采桑兮暮采桑不愁露濕沾衣裳只愁蠶多

桑葉少穠枝摘盡難盈筐歸來撫筐仍歎息幸
得三眠事將畢曉粧不施頭不梳冒雨衝風幾
朝夕今年且得蠶倍熟自是貧家常不足繰車
捲雨聲暫停白雪紛紛上機軸篋將織紬細織
羅淨者作絹供徵科織得紬成無絹裏小姑咄
咄訴阿婆阿婆重女如金寶妾身寸絲那敢道
但願家和隣不欺百歲團圓永相保夫兒語妾
莫憂煎春風尚可期明年

贈人遠遊

飲水莫飲山中泉種田莫種山頭田山頭之田
多荒蕪山中之泉愁易枯知君平生江湖散意
氣直欲凌雲漢江海茫茫萬里間取之不竭用
不殫夜雨連疇禾黍繁春風蕩海波濤翻山中
之水能幾何先生有口如懸河安能嗜此一勺
之餘波卽今飄然出山去買舟已在江之沱上
堂別尊親蒲酌金叵羅萱花未老荆樹茂酒光
入面朱顏酡出門一笑天地濶蓉山回首空嗟
峨龍魚躍淵須變化獨鶴豈在羣雞亞丈夫有
志輕別離淚痕莫濕香羅帕君不見袖中三尺
劍光寒王侯眼高定增價

彭介翁以詩見示次韻一首

俗事不可遏滿眼約牛毛怡然心自如拭以快
劔刀一介固所守萬死且不逃嗤彼世間人汨
汨徒形勞嗟嗟陋巷賢此樂何其高

東風正月十六夜聞雷

飲罷燒燈酒初聞第一雷震陽從地復春令自
天催草木萌芽動龍蛇蟄戶開喜沾新德澤和

氣藹然廻

感春

東風情太薄起處不由人詩酒無窮恨乾坤幾

許春青陽過眼易白髮上頭新欲學乘槎客茫

茫莫問津

黎原良為事再起賦詩以贈

天道豈不常人情固無定如何翻覆間陽光有

時溷好風忽東來長空靜如鏡顯晦理自然達

人貴知命

懷王孔堂

昔年先覺宦情闌歷歷燕山眼裏看驢背雪花

詩思逸馬頭雲陣劍光寒高標已老梧桐鳳壯

志還棲枳棘鸞別去蕭然人不見夢中猶自想

衣冠

閒居偶成

明月清風老此山山中歲月任循環抱琴有意

客不到出岫無心雲自閒鼓浪淵魚休踴躍知

時林鳥任閒闌寥寥情思渾無賴獨立溪南碧

水灣

九日懷歸故居

欲別東山老故丘
催年白髮半盈頭
他鄉作賦悲王粲
異代掄材愧馬周
明月雙江無限興
西風三徑為誰秋
心期好與黃花約
細酌橙香酒似油

同登鳳凰臺

輦路清風淨曉埃
曳裾同上鳳凰臺
天連帝闕雙龍迥
山繞都城萬雉開
吳舫乘潮隨港入
淮

雲將雨過江來百年重喜瞻儀彩聖德光華徧

九垓

歸舟

三吳春色動歸舟
夜出宮城次石頭
雁帶楚書回朔漠
櫓搖淮月下揚州
聖朝王氣乾坤後
南國恩波日夜流
野性自安麋鹿伴
旅魂空遶鳳凰樓

題五橋隱居圖

誰家作橋溪水頭
茆堂四月如清秋
白雲已過

歷代詩選
卷之五
三
暮山碧黃鳥不鳴春樹幽紫髯背向孤舟立記
得仙源舊曾入雨打踈篷醉不知桃花一夜新
流急

贈張伯庸起復赴京

幾年歸隱老東陵今又承恩謁帝京夜雨西窗
情話冷朝雲南浦別懷并邵平秋後瓜猶種賈
誼時來策易成此去長安仍走馬楓林楚水莫
關情

壽廖周廷

四十年前老作家通津橋外興無涯柳營曾佩
將軍印星漢空浮使客槎綠野耕閒黃犢健碧
潭鈎寂白魚嘉如今喜得身無事酒後題詩飯
後茶

思家

春老山中甕裏醅持螯空憶舊時杯看雲華表
曾垂柳踏雪羅浮幾訪梅白晝了無塵俗累清
風惟有故人來歸心一掬濃如酒擬棹扁舟得
意回

江邊口占

滔滔流水幾時休
欲借滄浪為洗愁
茆屋數家
人不見淡煙疎雨一漁舟

題昭君出塞圖

馬蹄踏踏暗胡沙
馬上懷恩憶漢家
自是玉顏多薄命
空將哀怨寄琵琶

石倉十二代詩選

明詩卷之七十三

